



圖書在版編目(CIP)數據

王摩詰文集 / (唐)王維著. —上海:上海古籍出版社, 2003. 12

(書韻樓叢刊第二輯)

ISBN 7-5325-3483-9

I. 王... II. 王... III. 王維(699~759)—全集
IV. I214.22

中國版本圖書館 CIP 數據核字(2003)第 055827 號

書韻樓叢刊(第二輯)

王摩詰文集〔唐〕王維著

創意策劃 趙昌平 李保民

版式設計 李保民

出版發行 上海古籍出版社

(上海瑞金二路二七二號 郵政編碼 200020)

(1) 網址: www.guji.com.cn

(1) E-mail: guji@guji.com.cn

發行經銷 新華書店上海發行所

杭州蕭山古籍印務有限公司

七〇〇乘一三八〇毫米 二四開

一二

二〇〇三年十二月第一版第一次印刷

一—一—一〇〇

ISBN 7-5325-3483-9/I·1636

四十八元

黃培芳曰：其妙處
純在自然。六朝人
名句足千古者，豈
不是自然。唐賢
三昧集箋注

王摩詰文集卷第五

雜詩

奉寄韋太守陟

荒城自蕭索，萬里山河空。天高秋日迥，嘹唳聞歸鴻。寒塘映衰草，高館落疏桐。臨此歲方晏，顧景詠悲翁。故人不可見，寂寞平陵東。

林園卽事寄舍弟統

寓目一蕭散，消憂冀俄頃。青草肅澄陂，白雲移翠嶺。後沔通河渭，前山包鄢郢。松含風裏聲，花對池中影。地多齊后瘠，人帶荊州癭。徒思赤筆書，詎有丹砂井。心悲常欲絕，髮亂不能整。青簾日何長，閑門晝方靜。頽思茅簷下，彌傷好風景。

寄河上段十六

張謙宜曰・身在山
中・却從山人眼
中想出・妙悟絕
倫・ 祝齋詩談

與君相見卽相親聞道君家在孟津爲見行舟試借問客中時有洛陽人

寄荊州張丞相

所思竟何在悵望深荊門舉世無相識終身思舊恩方將與農圃藝植老丘園目盡南無鳥何由寄一言

山中寄諸弟妹

山中多法侶禪誦自爲羣城郭遙相望唯應見白雲

聞裴秀才迪吟詩因戲贈

猿吟一何苦愁朝復悲夕莫作巫峽聲腸斷秋江客

旣蒙宥罪旋復拜官伏感聖恩竊書鄙意兼奉簡新除使君

等諸公

忽蒙漢詔還冠冕。始覺殷王解網羅。日比皇朝猶自暗。天齊聖壽未云多。花迎喜氣皆知笑。鳥識歡心亦解歌。聞道百城新佩印。還來雙闕共鳴珂。

贈從弟司庫員外綬

少年識事淺。強學干名利。徒聞躍馬年。苦無出人智。卽事豈徒言。累官非不試。旣寡遂性歡。恐招負時累。清冬見遠山。積雪凝蒼翠。皓然出東林。發我遺世意。惠連素清賞。夙語塵外事。欲緩攜手期。流年一何駛。

座上走筆贈薛璩慕容損

希世無高節。絕跡有卑棲。君徒視人文。吾固和天倪。緬然萬物始。及與群牧齊。分地依后稷。用天信重黎。春風何豫人。令我思東溪。草色

有俗意。花枝稍含萼。更待風景好。與君藉萋萋。

贈李願

聞君餌丹砂。甚有好顏色。不知從今去。幾時生羽翼。王母翳華芝。望爾崑崙側。文螭從赤豹。萬里走方息。悲哉世上人。甘此羶腥食。

贈劉藍田

離中犬迎吠。出屋候柴扉。歲晏輸井稅。山村人夜歸。晚田始家食。餘布成我衣。詎肯無公事。煩君問是非。

贈房盧氏瑄

達人無不可。忘已愛蒼生。豈復少千室。絃歌在兩楹。浮人日已歸。但坐事農耕。桑榆鬱相望。邑里多雞鳴。秋山一何淨。蒼翠臨寒城。視事兼偃卧。對書不簪纓。蕭條人吏疏。鳥雀下空庭。鄙夫心所尚。晚節異

顧可久曰。急徵繁苦之意。見於百外。唐王右軍集注說。

黃培芳曰。四句一韻。深情遠意。結遶無窮。置之毛詩中。幾不復可辨。此真爲善學三百者也。唐賢三昧集箋注。

王夫之曰。以高潔寫清幽。故勝。唐詩評選。

平生將從海岳居。守靜解天刑。或可累安邑。茅茨君試營。

贈祖三詠

濟州官舍作

蠨蛸挂虛牖。蟋蟀鳴前除。歲晏涼風至。君子復何如。高館闐無人。離居不可道。閑門寂已閉。落日照秋草。誰有近音信。千里阻河關。中復客汝潁。去年歸舊山。結交二十載。不得一日展。貧病子旣深。契闊余不淺。仲秋雖未歸。暮秋以爲期。良會詎幾日。終日長相思。

輞川閑居贈裴秀才迪

寒山轉蒼翠。秋水日潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

春夜竹亭贈錢少府歸藍田

夜靜群動息。時聞隔林犬。却憶山中時。人家澗西遠。羨君明發去。采

蕨輕軒冕。

酬前

錢起

山月隨客來。主人興不淺。今宵竹林下。誰覺花源遠。惆悵曙鶯啼。孤雲還絕巘。

贈東岳焦練師

先生千歲餘。五岳遍曾居。遙識齊侯鼎。新過王母廬。不能師孔墨。何事問長沮。玉管時來鳳。銅盤卽釣魚。竦身空裏語。明目夜中書。自有還丹術。時論太素初。頻蒙露版詔。時降軟輪車。山靜泉逾響。松高枝轉疏。支頤問樵客。世上復何如。

贈韋穆十八

與君青眼客。共有白雲心。不向東山去。日暮春草深。

趙殿成曰。前二篇
美張能隱居樂道。
物我兩忘。與己合
志。後一篇。嗤張之
釣弋山中。祇圖口
腹。與己異操。王
右丞集箋注

戲贈張五弟諲三首

時在常樂東園走筆成

吾弟東山時。心尚一何遠。日高猶自卧。鐘動始能飯。領上髮未梳。牀
頭書不卷。清川與悠悠。空林對偃蹇。青苔石上淨。細草松下軟。窗外
鳥聲閑。階前虎心善。徒然萬象多。澹爾太虛緬。一知與物平。自顧爲
人淺。對君忽自得。浮念不煩遣。

張弟五車書。讀書仍隱居。染翰過草聖。賦詩輕子虛。閉門一室下。隱
几十年餘。宛是野人野。時從漁父漁。秋風日蕭索。五柳高且疏。望此
去人世。渡水向吾廬。歲晏同攜手。只應君與予。

設置守鳬兔。垂釣伺游鱗。此是安口腹。非關慕隱淪。吾生好清靜。蔬
食去情塵。今子方豪蕩。思爲鼎食人。我家南山下。動息自遺身。入鳥
不相亂。見獸皆相親。雲霞成伴侶。虛白侍衣巾。何事須夫子。邀予谷

口眞。

贈裴旻將軍

腰間寶劍七星文。臂上琱弓百戰勳。見說雲中擒黠虜。始知天上
有將軍。

贈焦道士

海上遊三島。淮南預八公。坐知千里外。跳向一壺中。縮地朝珠闕。行
天使玉童。飲人聊割酒。送客乍分風。天老能行氣。吾師不養空。謝君
徒雀躍。無可問鴻濛。

贈吳官

長安客舍熱如煮。無箇茗蔕難御暑。空搖白團其諦苦。欲向縹囊還
歸旅。江鄉鯖鮓不寄來。秦人湯餅那堪許。不如儂家任挑達。草屨蛄

沈德潛曰。寫對雪意。不削而合。不繪而工。憶胡居士。只末一見。唐詩別裁。

蝦富春渚

冬晚對雪憶胡居士家

寒更傳曉碧。清鏡覽衰顏。隔牖風驚竹。開門雪滿山。灑空深巷靜。積素廣庭閑。借問袁安舍。翛然尚閉關。

至滑州隔河望黎陽憶丁三寓

隔河見桑柘。藹藹黎陽川。望望行漸遠。孤峯沒雲煙。故人不可見。河水復悠然。賴有政聲遠。時聞行路傳。

秋夜獨坐懷內弟崔興宗

夜靜群動息。蟬蛄聲悠悠。庭槐北風響。日夕方高秋。思子整羽翰。及時當雲浮。吾生將白首。歲晏思滄州。高足在旦暮。肯爲南畝儔。

雲中憶李揖 雜言

積雪滿阡陌。故人不可期。長安千門復萬戶。何處躑躅黃金羈。

胡居士卧病遺米因贈

了觀四大因。根性何所有。妄計苟不生。是身孰休咎。色聲何謂客。蔭界復誰守。徒言蓮花目。豈惡楊枝肘。旣飽香積飯。不醉聲聞酒。有無斷常見。生滅幻夢受。卽病卽實相。趨空定狂走。無有一法垢。居士素通達。隨宜善斗櫬。牀上無氈卧。鍋中有粥否。齋時不乞食。定應空漱口。聊持數斗米。且救浮生取。

贈裴十迪

風景日夕佳。與君賦新詩。澹然望遠空。如意方支頤。春風動百草。蘭蕙生我籬。曖曖日暖閨。田家來致詞。欣欣春還臯。淡淡水生陂。桃李雖未開。萼萼滿芳枝。請君理還策。敢告將農時。

顧可久曰。流彩中
復冲古。景與興
會。唐王右丞詩
集注說

黃周星曰。律詩八句皆失粘。此拗體也。然語氣傲岸不群。亦何必以常格繩之。唐詩快

酌酒與裴迪

酌酒與君君自寬。人情翻覆似波瀾。白首相知猶按劍。朱門先達笑彈冠。草色全經細雨濕。花枝欲動春風寒。世事浮雲何足問。不如高卧且加餐。

與胡居士皆病寄此詩兼示學人二首

一興微塵念。橫有朝露身。如是覩蔭界。何方置我人。礙有固爲主。趣空寧捨賓。洗心詎懸解。悟道正迷津。因愛果生病。從貪始覺貧。色聲非彼妄。浮幻卽吾真。四達竟何遣。萬殊安可塵。胡生但高枕。寂寞與誰鄰。戰勝不謀食。理齊甘負薪。子若未始異。詎論疏與親。浮空徒漫漫。泛有定悠悠。無乘及乘者。所謂智人舟。詎捨貧病域。不疲生死流。無煩君喻馬。任以我爲牛。植福祠迦葉。求仁笑孔丘。何津

不鼓棹。何路不摧輓。念此聞思者。胡爲多阻脩。空虛花聚散。煩惱樹
稀稠。滅想成無記。生心坐有求。降吳復歸蜀。不到莫相尤。

九月九日憶山東兄弟

時年十七

獨在異鄉爲異客。每逢嘉節倍思親。遙知兄弟登高處。遍插茱萸少
一人。

華嶽

西嶽出浮雲。積翠在太清。連天凝黛色。百里遙青冥。白日爲之寒。森
沈華陰城。昔聞乾坤開。變化生巨靈。右足踏方山。左手推削成。天地
忽開拆。大河注東溟。遂爲西峙嶽。雄雄鎮秦京。大君包覆載。至德被
群生。上帝佇昭告。金天思奉迎。人祇望幸久。何獨禪云亭。

藍田山石門精舍

張謙宜曰。詩不深
苦。情自蘊然。叙
得直率。不用雕琢。
唐詩直解。張謙宜
曰。不說我想他。
却說他想我。加一
倍淒涼。觀齋詩
談。

浣女漁舟。秋晚情
景。歸字下字句眼。
·大妙·而喧動二
字屬之竹蓮。更奇
入神。·唐詩選賦
會通評林

落日山水好。漾舟信歸風。玩奇不覺遠。因以緣源窮。遙愛雲木秀。初
疑路不同。安知清流轉。偶與前山通。捨舟理輕策。果然愜所適。老僧
四五人。逍遙蔭松折。朝梵林未曙。夜禪山更寂。道心及牧童。世士文
惟必。暝宿長林下。焚香卧瑤席。澗芳襲人衣。山月映石壁。再尋畏迷
誤。明發更登歷。笑謝桃源人。花紅復來覲。

一云澗風
吹人衣

山居秋暝

空山新雨後。天氣晚來秋。明月松間照。清泉石上流。竹喧歸浣女。蓮
動下漁舟。隨意春芳歇。王孫自可留。

青溪

言入黃花川。每逐青溪水。隨山將萬轉。趣途無百里。聲喧亂石中。色
靜深松裏。漾漾沉菱荇。澄澄映葭葦。我心素已閑。清朋澹如此。請留

磐石上垂釣將已矣。

崔濮陽災季重前山興

山西去亦對維門

秋色有佳興。況君池上閑。悠然西林衣。自識門前山。千里橫黛色。數峯出雲間。峨嵋對秦國。合沓藏荆關。殘雨斜日照。夕嵐飛鳥還。故人今尚爾。歎息此顏顏。

終南別業

中歲頗好道。晚家南山陲。興來每獨往。勝事空自知。行到水窮處。坐看雲起時。偶然值林叟。談笑無還期。

皇甫岳雲溪雜題五首

鳥鳴澗

人閑佳花落。夜靜春山空。月出驚山鳥。時鳴春澗中。

此詩造意之妙。至與造化相表裏。豈直詩中有畫哉。昔溪漁隱叢話紀昀曰。此詩之妙。由絢爛之極。歸於平淡。然不可以躐等求也。藏奎律髓彙評

沈德潛曰。諸詠聲
意。味。迥。出。常。格。
之外。任。後。人。摹。仿。
不。到。其。故。難。知。
唐詩別裁

蓮花塢

日日採蓮去。洲長多暮歸。弄篙莫濺水。畏濕紅蓮衣。

鷓鴣堰

乍向紅蓮沒。復出青蒲颺。獨立何欹樑。銜魚古查上。

上平田

朝耕上平田。暮耕上平田。借問問津者。寧知沮溺賢。

萍池

春池深且廣。會待輕舟迴。靡靡綠萍合。垂楊掃復開。

王摩詰文集卷第五